

**Broj: 06-03-1188-04/183/16**  
**Mostar, 26.01.2017. godine**

Na osnovu člana 21., člana 37., člana 84., člana 87. stav (1) i stav (2) i člana 93. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (1) i člana 23. stavka (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18., člana 40., člana 43. stav (2) i člana 49. Pravilnika za izdavanje dozvola („Službene novine Federacije BiH“ broj 2/17), postupajući po Zahtjevu za izmjenu dozvole za snabdijevanje električnom energijom - dozvole II reda broj 06-03-1188/183/16 od 20.12.2016. godine podnosioca zahtjeva HEP-Trade d.o.o. iz Mostara, Vukovarska bb, Mostar, u postupku izmjene i dopune Dozvole za snabdijevanje električnom energijom – dozvole II reda broj 06-03-418/6/15 od 23.07.2015. godine, Regulatorna komisija za energiju u Federaciji Bosne i Hercegovine – FERK je 26.01.2017. godine na II redovnoj sjednici donijela sljedeće

## **RJEŠENJE**

1. Dozvola za snabdijevanje električnom energijom - dozvola II reda broj 06-03-418/6/15 od 23.07.2015. godine izdata Rješenjem broj 06-03-418-10/6/15 od 23.07.2015. godine imaocu dozvole HEP-Trade d.o.o. iz Mostara mijenja se i dopunjuje, te glasi kao u prilogu koji je sastavni dio ovog rješenja.
2. Dozvola za snabdijevanje električnom energijom - dozvola II reda iz tačke 1. ovog rješenja važi do 29.10.2020. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola za rad iz tački 1. i 2. ovog rješenja.
4. Imalac dozvole je obavezan plaćati regulatornu naknadu u periodu važenja dozvole na način i u iznosu koji utvrdi FERK posebnom odlukom.
5. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

## **Obrazloženje**

FERK je 20.12.2016. godine pod brojem 06-03-1188/183/16 primio od HEP-Trade d.o.o. iz Mostara Zahtjev za izmjenu Dozvole za snabdijevanje električnom energijom - dozvola II reda u postupku izmjene i dopune Dozvole za snabdijevanje električnom energijom - dozvola II reda broj 06-03-418/6/15 od 23.07.2015. godine imaoca dozvole HEP-Trade d.o.o. iz Mostara zbog promjene adrese sjedišta društva.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da primljeni zahtjev nije potpun u smislu člana 12. Pravilnika za izdavanje dozvola („Službene novine Federacije BiH“ broj 43/14). Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi podnosiocu zahtjeva 10.01.2017. godine uputio Obavještenje o nedostacima podnesenog Zahtjeva za izmjenu dozvole za snabdijevanje električnom energijom - dozvole II reda broj 06-03-1188-01/183/16

i odredio mu rok od osam dana radi otklanjanja uočenih nedostataka navedenih u obavještenju. Postupajući po obavještenju, podnosilac zahtjeva je dostavio dopise primljene u FERK 11.01.2017. godine pod brojem 06-03-1188-02/183/16 i 17.01.2017. godine pod brojem 06-03-1188-03/183/16 uz koje je dostavio traženu dokumentaciju. Kako je 21.01.2017. godine stupio na snagu Pravilnik za izdavanje dozvola („Službene novine Federacije BiH“ broj 2/17) FERK je u skladu sa članom 49. ovog pravilnika utvrdio da je podneseni zahtjev potpun u smislu člana 12. Pravilnika za izdavanje dozvola („Službene novine Federacije BiH“ broj 2/17).

Obzirom na to da su uz zahtjev za izmjenu dozvole navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da podnosilac zahtjeva ispunjava kriterije iz člana 87. stav (1) Zakona o električnoj energiji u Federaciji Bosne i Hercegovine, odnosno iz člana 25. Pravilnika za izdavanje dozvola („Službene novine Federacije BiH“ broj 2/17), FERK je utvrdio da su ispunjeni uslovi za primjenu odredbe člana 43. stav (2) ovog pravilnika.

Na osnovu obrade Zahtjeva za izmjenu dozvole za snabdijevanje električnom energijom - dozvole II reda podnosioca HEP-Trade d.o.o. iz Mostara i dokumentacije priložene uz zahtjev, izvršena je izmjena i dopuna Dozvole za snabdijevanje električnom energijom - dozvola II reda broj 06-03-418/6/15 od 23.07.2015. godine zbog promjene adrese sjedišta društva. Osim navedenog, FERK je uočio i potrebu izmjene i dopune navedene dozvole za rad na osnovu člana 93. stav (1) Zakona o električnoj energiji u Federaciji Bosne i Hercegovine, a sve u javnom interesu. FERK je ocijenio da je opravdano izvršiti određena usklađivanja dozvole sa odredbama Pravilnika za izdavanje dozvola („Službene novine Federacije BiH“ broj 2/17). Zbog potrebe izmjene i dopune uslova dozvole za rad, radi preglednosti i lakšeg razumijevanja izmijenjenih i dopunjenih uslova dozvole, te radi ekonomičnosti i efikasnosti postupka izrade, donošenja i objave dozvole za rad, a sve imajući u vidu zahtjev podnosioca i javni interes, pristupilo se izradi i usvajanju izmijenjene i dopunjene Dozvole za snabdijevanje električnom energijom – dozvole II reda imaoca HEP-Trade d.o.o. iz Mostara, koja je sastavni dio ovog rješenja. Uvažavajući sve naprijed navedene razloge, predmetna dozvola za rad je izmijenjena i dopunjena u skladu sa zahtjevom podnosioca, te je usklađena sa odredbama Pravilnika za izdavanje dozvola („Službene novine Federacije BiH“ broj 2/17), s tim da je period važenja dozvole ostao nepromijenjen. Postavljeni uslovi, u skladu sa članom 26. i članom 30. Pravilnika za izdavanje dozvola („Službene novine Federacije BiH“ broj 2/17), stvaraju obavezu HEP-Trade d.o.o. iz Mostara da u rokovima propisanim u uslovima dozvole za snabdijevanje električnom energijom - dozvole II reda iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**v.d. PREDsjednice FERK-a**  
**Vladenka Milović**